

潘祖蔭日記



清·潘祖蔭 撰

潘祖蔭日記

江蘇廣陵古籍刻印社

# 潘祖蔭日記

江蘇廣陵古籍刻印社出版發行  
揚州廣陵古籍印刷廠印刷  
(揚州市鳳凰橋街)

一九九八年五月第一版第一次印刷

印數：〇〇一一五〇〇

SGBH 7—60101—279—8/K·19

定價：壹佰肆拾伍圓(全二冊)

西陵日記

臣潘祖蔭

丁卯

同治六年十月初六日具摺請

訓

初十日卯刻行午刻食長新店申刻住寶店

十一日寅刻行辰刻食涿州申刻住涿水衍東之

年丈差弁接

十二日寅刻行辰刻食易州申初至半壁店謁

陵後途遇東丈又至大圈拜萬船師工部友人爲定小圈

房總辦豐盛額啟莊伊鑑額王思沂韓宗源蔣嘉

棟來

十三日筆帖式志全來見卽房主人屋四面皆山  
小有花木頗得山林之趣未刻至

慕東陵演奉安事宜

十四日奕公裕公來至

醡邸鍾邸孚邸處投刺午刻至

陵進包裹後復演一次

十五日丑刻進加槨寅正奉安

莊順皇貴妃卯刻禮成卽行申初至涑水苔東耘留往署

內

十六日卯刻行東耘送帽沿等郤之巳初尖涿州

申刻住良鄉

十七日卯初行巳初進彰儀門

賞燕窩

丙子

光緒二年八月十八日奉

命

西陵查勘

泰陵聖德神功碑樓

正紅門又各

陵辦供庫房隨帶聯額吳午初長新店申初寶店

十九日寅刻行午初涿州申初涿水店在西市梢

頭曰三義

二十一日卯初行未刻半壁店

示少甫玉山仲飴

眞境由來寫最難昔賢兩語費吟安平時暑月宮  
衣重一夕邊風塞草寒稼穡登場農事薄煙嵐經  
眼畫圖看考工有記憑誰讀廊廡居然近魯般

二十一日寅刻祇謁

山陵行裝行禮查勘

正紅門及

泰陵碑樓又至

慕東陵

慕陵

昌西陵 和裕皇貴妃園寢

昌陵

泰東陵 皇貴妃園寢

泰陵查勘各圈辦供庫房情形午初返申刻行住易州

二十二日寅刻行已初淶水未正涿州

二十三日寅正行已初竇店未刻長新店

二十四日四十里至彰儀門

樂毅墓

落日荒荒土一邱我來望古值深秋若非高節由

王蠋安得奇兵出火牛下七十城唯有子傳三千  
載信無儔只應一事猶輸管牘有遺書宋槩留

十一月十四日

派查勘

東西陵工程

十八日請

訓隨帶額吳

十九日辰初行午正長新店申初賣店

大覺山賦霍原

廣陽山下隱居處千古猶懸大小竇漫說門徒當

日盛豆田惆悵霍休明

扉上有佩卿題詩

如何人面桃花地獨自含毫歎苦辛一樣衝風兼  
冒雪碧紗籠句□何人

柬玉山仲飴

岐途路易訛棒莽踢冰過西出飛狐口東流拒馬  
河此時倦行李當日枕雕戈一卷考工記經營意  
若何

途中口占

易水蕭蕭往復還玉樓銀海路漫漫誰家貂帳紅  
爐煖幾處龍沙鐵甲寒兩度山河如玉合雙輪日  
月遞金丸若非風雪長途去眼界何從得縱觀  
易水歸來秋九月仲冬又復賦遄征敢云五雉司  
工正那有雙騶縱騎兵微火難噓村店煖輕裝詎  
比使車行簡書銜命安吾分冰雪前頭證素盟

憶濱石

□陵曾記甲寅年笳鼓瓜洲一渡船今日雲萍何

處是范陽道上雪漫天

又

此地今年已再過石梁圮矣水無波樹猶似此凋  
疏早路亦如吾坎廩多但使綏豐歌畎畝不妨蕭

瑟動關河風霜雨雪都經過何處人生安樂窩

二十日卯初行尖涿州申初住涿水街北古廟有

皇統六年石幢上作梵字四周

二十一日卯正行尖易州未正住半壁店

和佩卿壁閒韻

大雪滿天地今年三度行平看千嶂沒不使一塵  
生酒豈禁寒力詩能遺俗情五雲知不遠指顧早

登程

壁上珠璣字遲君十日行書工松雪叟詩妙玉溪  
生何意馳驅境偏饒唱和情歸來應一笑相與話

征程

口占

奇峯羣玉山頭見妙境清涼國裏開好手惜無洪  
谷子彈弓着粉寫將來

二十二日予正起卯刻行偕額吳二君徧至

昌西陵

昌陵

泰東陵

泰陵

慕東陵

慕陵查勘歲修另案專案各工午正行未正住易州

二十三日卯初行尖淶水

二十四日卯初行食竇店未正宿長新店

松林店題壁

朝暮寒溫迥不同  
雪泥風絮任西東  
年來好景分  
明記都在車塵馬足中

二十五日寅刻行辰刻進彰儀門知

派出隆福寺行二週年禮

詳

東陵日記

二十六日函致德錦融探其到京與否以待同日  
復

命也額吳來商摺擬廿八復

命

丁丑

五月初六日續估

西陵工程請

訓隨員額吳

初八日寅正行辰初長新店午正寶店

初九日丑正行辰正松林店午正淶水西關

途中作

避熱何妨夜半行長橋已過看天明轎窗偶有清  
風至靜聽千林百鳥聲